

Mas malakas ang mga komunidad kapag nagtatagumpay ang maliliit na negosyo.

Ang maliliit na negosyo at nonprofit ang nagpapasigla sa mga komunidad sa Washington

Mapa-restaurant, propesyonal na tagapagbigay-serbisyo, tagapagmanupaktura, lokal na sakahan o nonprofit sa komunidad, ang maliliit na negosyo at lokal na organisasyon ay tumutulong sa ating mga komunidad upang magtagumpay, habang lumilikha ng mga trabahong may ambag sa kalagayan ng ekonomiya ng ating buong estado.

Maluluwag na pautang para sa maliliit na negosyo at nonprofit sa Washington

Maraming maliliit na negosyo at nonprofit sa estado ng Washington ang dumaranas ng malalaking balakid sa pag-access sa mga mapagkukunan ng pinansiya na kailangan ng mga ito upang umunlad at lumago. Layunin ng programang ito na makapaglaan ng mga dekalidad, maluluwag, at abot-kayang produkto ng pautang para sa mga ito sa pamamagitan ng isang network ng mga tagapagpautang mula sa komunidad na aprobado ng Department of Commerce (Kagawaran ng Komersiyo).

Ang Small Business Flex Fund 2 ng Washington ay ginawa upang makapaglaan ng access sa mga abot-kayang pautang para sa maliliit na negosyo at nonprofit na may pinakamatinding pangangailangan para dito.

Pautang na tunay na angkop para sa maliit na negosyo

Ang Small Business Flex Fund 2 ng Washington ay ginawa upang matugunan ang mga natatanging hamong kinaharap ng maliliit na negosyo at nonprofit sa Washington kapag sinusubukan ng mga ito na makuha ang perang kailangan upang makapagpatuloy o lumago ang mga ito. Makararanas ka ng madaling proseso ng aplikasyon, magagandang rate ng interes, mas mahabang iskedyul ng pagbabayad, mga tagapagpautang na handang mag-aproba, at mga ekspertong nakatuon sa pagtatagumpay ng iyong negosyo.

Naiiba sa mga tradisyonal na programa ng pautang

Ang Small Business Flex Fund 2 ng Washington ay may isang network ng mga tagapagpautang mula sa komunidad na maraming dekada nang tumutulong sa maliliit na negosyo at nonprofit sa Washington mula sa mga komunidad na hindi sapat na napaglilingkuran at walang sapat na pagbabangko. Ang mga tagapagpautang na ito mula sa komunidad ay puwedeng gumabay sa iyo sa bawat hakbang ng proseso ng pautang. Layunin din ng Small Business Flex Fund 2 na bawasan ang mga balakid sa mga mapagkukunan ng pinansiya kapag tinanggal ang iskor ng kredito o mga partikular na kinakailangang kolateral at bayarin sa pinagmulan na sinisingil nang hiwalay sa mga gastusin sa pagsasara. Puwedeng igugol ang mga pondo sa maluwag na paraan batay sa mga pangangailangan at layunin ng iyong negosyo.

Sino ang kalipikado para sa Small Business Flex Fund 2?

Ang Small Business Flex Fund 2 ng Washington ay ginawa upang makapaglaan ng access sa mga abot-kayang pautang para sa maliliit na negosyo at nonprofit na may pinakamatinding pangangailangan para dito. Upang maging kalipikadong mag-apply, ang maliliit na negosyo at nonprofit ay kailangang nagpapatrabaho sa mas kaunti sa 50 empleyadong katumbas ng full-time (FTE), may taunang kitang mas mababa sa \$5 milyon kada taon, at nagnenegosyo na sa loob ng hindi bababa sa isang taon bago ang panahon ng pag-apply.

Mga lokal na tagapagpautang sa komunidad na nakatuon sa iyong tagumpay

Ang network ng mga lokal na tagapagpautang mula sa komunidad ng Small Business Flex Fund 2 ng Washington ay tumutulong sa maliliit na negosyo at nonprofit upang magtagumpay. Sa buong proseso ng pautang, nandiyan ang mga mapagkakatiwalaang katuwang upang umalalay sa bawat hakbang ng aplikasyon at magbigay ng mga karagdagang serbisyonang pansuporta.

Ang State Small Business Credit Initiative (SSBCI, Inisyatiba sa Kredito ng Maliit na Negosyo ng Estado) ng Washington ay naglalaan ng lubos na kinakailangang kapital para sa maliliit na negosyo at nonprofit sa buong Washington, partikular na sa mga komunidad na hindi sapat na napaglilingkuran at walang sapat na pagbabangko noon pa man. Ang SSBCI ay pinangangasiwaan ng Department of Commerce ng Estado ng Washington sa pakikipagtulungan sa Department of Treasury (Kagawaran ng Ingat-yaman) ng U.S. at mga institusyong pinansiyal sa buong estado. Para sa iba pang impormasyon, pumunta sa <https://bit.ly/wa-small-biz-loans>.

ANG MGA KALIPIKADONG NEGOSYO AY MAYROON DAPAT NG SUMUSUNOD

- Mas kaunti sa 50 empleyado
- Taunang kitang mas mababa sa \$5 milyon
- Hindi bababa sa isang taon ng pagnenegosyo bago ang panahon ng pag-apply

MAGAGANDANG RATE NG INTERES

- Humiram ng hanggang \$250,000
- Mga rate na mas mataas nang 1-4% sa rate ng WSI Prime
- Di-nagbabagong rate ng interes para sa buong panahon ng pautang
- 36 hanggang 72 buwang termino ng pautang
- Walang parusa para sa maagang pagbabayad

MALUWAG ANG PAGGAMIT SA PAUTANG

- Suweldo
- Mga utility at renta
- Marketing at advertising
- Pagpapaganda o pagkukumpuni ng gusali
- Iba pang gastusin sa negosyo

Ang Small Business Flex Fund 2 ng Washington ay HINDI natatawaring programa ng pautang. Kailangang bayaran ng humiram ang buong halaga ng pautang nang may interes sa loob ng 3 hanggang 6 na taong termino.

MADALI LANG MAGSIMULA

Pumunta sa SmallBusinessFlexFund.org